



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1415. usque ad annum 1431

Fleury, Claude

August. Vind. [u.a.], 1768

VD18 90118294

§. 4. Sessio XXVII.

[urn:nbn:de:hbz:466:1-66272](https://nbn-resolving.org/urn:nbn:de:hbz:466:1-66272)

§. IV.

Sessio XXVII.

Sæcul. XV.
A.C. 1417.

Die vigesima Februarii habita est Sessio *Labbe Conc. to. 12. p. 208.*
ab inchoatione Synodi vigesima septima, & a die reditus Cæsarei prima, cui Imperator adfuit. Actum est iudicii legibus in caussa Friderici Austriaci, qui Tridentinum Episcopum, ejusque bona violenter detinebat. Adversus hunc Ducem jam aliquod edictum, quod *monitorium* vocant, edebatur, ejus tamen executio usque ad Cæsaris adventum dilata est. Præterea nominabantur Commissarii ad discutiendas lites, quibus Abbas & Religiosi Cistercienses cum Ludovico Bavaro Regis Franciæ Sororio collidebantur. Conquestus erat Abbas de innumeris injuriis, atque damnis, quæ monasterio ejus Dux ille intulisset. Tandem deliberatum est de collationibus quarundam Ecclesiarum seu Abbatiarum vacantium, uti erant Episcopatus Narniensis, & Cassanensis in Regno Neapolis. His peractis soluta est Sessio. Biduo post Imperator in Palatio suo Joanni de Nassovia Moguntiae Archiepiscopo ejusdem Electoratus investituram concessit, Electore Palatino, & Burggravio Norimbergensi huic solemnitati assistentibus.

§. V.